

OFFERYNNAU STATUDOL CYMRU

2015 No. 1596

**Gorchymyn y Cwricwllwm Cenedlaethol (Deilliannau
Dymunol, Rhaglenni Addysg a Threfniadau Asesu Sylfaenol
a Diwedd Cyfnod ar gyfer y Cyfnod Sylfaen) (Cymru) 2015**

RHAN 4

Asesu diwedd cyfnod yn y cyfnod sylfaen

Asesu diwedd cyfnod

8.—(1) Rhaid i bennaeth lleoliad cyfnod sylfaen wneud trefniadau i addysgwyr gynnal asesiad mewn perthynas â phob disgybl ym mlwyddyn olaf y cyfnod sylfaen.

(2) Diben yr asesiad yw pennu lefel cyrhaeddiad y disgybl ym mhob un o'r meysydd dysgu asesiad diwedd cyfnod.

(3) Mae'r asesiad i'w seilio ar arsylwadau'r addysgwyr o'r disgybl sy'n cael ei asesu.

Cofnod cyrhaeddiad

9.—(1) Rhaid i'r addysgwyr a gynhaliodd yr asesiad wneud cofnod o lefel cyrhaeddiad pob disgybl.

(2) Rhaid i'r cofnod cyrhaeddiad gynnwys canlyniadau'r asesiad a gynhaliwyd yn unol ag erthygl 8.

Amseru'r asesiad a'r cofnod cyrhaeddiad

10. Rhaid i'r asesiad gael ei gwblhau a'r cofnod cyrhaeddiad gael ei wneud—

(a) heb fod hwyrach nag 20 diwrnod gwaith cyn diwedd tymor yr haf; neu

(b) cyn gynted ag y bo'n rhesymol ymarferol, os na ellir cwblhau'r asesiad a'r cofnod cyrhaeddiad o fewn y cyfnod a ddiffinnir ym mharagraff (a) mewn amgylchiadau eithriadol ac am resymau sydd y tu hwnt i reolaeth y pennaeth.